



PARAU FA'ARARA'A NĀ TE MAU VE'A #33

Te mau nūmera o teie ma'i :

49 hi'opo'ara'a tei ravehia i nanahi ra, hō'ē ta'ata i ro'ohia i teie tiro tiro. E ta'ata teie tei ho'i mai i te fenua nei na roto i te tere manureva hopea no te 27 no māti. Ua fa'aea noa oia i te fare mai tōna ho'ira'a mai, I te piti ahuru ma hō'ē ra'a o te mahana, ua hi'opo'ahia oia e ua 'itehia te tiro tiro Covid-19 i roto iana.

Mai te omuara'a o teie ma'i, 2 315 ta'ata tei hi'opo'ahia, mai te mahana matamua no māti ra.

- E 58 rahira'a ta'ata tei ma'ihia i te Covid-19, mai te mahana matamua no māti ra :

* 9 ta'ata te hi'opo'a tāmāu noa hia nei ā ;

* 49 ta'ata tei 'afaro roa i teie mahana, 'aita te mau tapa'o ma'i e 'itehia ra i nia ia rātou, e 'ua ho'i i roto i tō rātou mau utuafare.

- 1 noa ā ta'ata i roto i te fare ma'i, e te āfaro māru noa maira.

- E te parau āpi oaoa ra, aore roa e ta'ata i fa'arue mai.

Teie ra, ia vai ara noa ā tātou, e ia tāmāu noa ā i te fa'a'ohipa i te mau ravea pārorura'a i teie ma'i e te vai 'ōpipirira'a i te fare.

Te mau nūmera 'i teie mahana

Ta'atoara'a o te mau ta'ata tei ma'i hia i te COVID-19	58
Rahira'a ta'ata tei ma'i hia i te COVID-19 e o tei tapea hia i te fare ma'i	
- no teie taimē	1
- mai te ha'amatarara'a no teie ma'i	4
Rahira'a ta'ata tei rapa'āu hia i roto i te piha rapa'aura'a ma'i fifi	1
Rahira'a ta'ata tei fa'aru'e mai no te ma'i COVID-19	0

Fig. 1. Rahira'a ta'ata tei ma'i hia i te COVID-19 'i Pōrīnetia farāni nei mai te omuara'a mai





Fig. 2. Te mau ma'i i Tahiti e i Moorea, i te monire 27 nō eperera 2020



Te poro'i no te mau fa'anahora'a no roto mai i te Hau fenua e te Hau nui

I teie po'ipo'i monire, 'ua fa'aara te Peretetini o te Hau fenua e te Tomitera teitei i te mau fa'anahora'a no te ha'amamara'a i te 'opanipani' i te fare no te huirā'atira no Nia Matai (Tahiti, Moorea e Maiao).

'Ua ravehia teie ha'amamara'a i muri a'e i te mau nūmera matai tei ro'a'a mai e te huru nu'ura'a o teie ma'i fifi o te Covid-19. Teie ra, e nehenehe roa teie fa'ahepora'a e 'opanipani i te fare i te rave fa'ahouhia mai te peu e, e 'ite hia, e te pārare fa'ahou nei teie tiro tiro.



E ravehia te tahi mau tuatāpapara'a i muri a'e e piti hepetoma. Te fa'ari'i fa'ahouhia nei te huirā'atira i te teretere ma te ore e tārima i te mau parau fa'atia. Teie ra, te vai 'opanipani noa hia ra tātou ia tere i te pō mai te hora 9 (i teie nei) e tae noa atu i te hora 5 i te a'ahiata.

Te ha'amaururu poupou maitai hia atu nei te huirā'atira e te mau rave 'ohipa atoa i pihaiho i te huirā'atira nō tā outou mau turu tu'utu'u ore. Maoti tā outou mau fa'a'ohipara'a i te mau fa'auera'a e fa'aea i te fare, pāzurura'a, i manuia atoa ai tā tātou arora'a amui i teie fifi ma'i o te Covid-19.

'Ua fa'atae te mau tia mana i te hō'ē poro'ira'a i te huirā'atira ma te ani ia ratou e **ia ara e ia fa'a'ohipa i te mau ravea pāzururu** ma te fa'atura, a tahi roa te ateara'a i roto i te tahi e te tahi, a piti te horo'i tāmaura'a i te rima e a toru te omonora'a i te pāzurura'a vaha tā tātou e hamani nei.

'Ua fa'atae atoa te peretetini a te Hau fenua, i te hō'ē pi'ira'a i te feia rave 'ohipa a te Hau no te fenua, ia ho'i mai i nia i tā ratou mau vahi 'ohipara'a ma te fa'aohipa i te mau ravea pāzurura'a.

Na te Mono peretetini e ha'apapu i te mau fa'anahora'a no te ha'amatarā 'ohipa.

Te fa'aho'ira'a i te mau ta'ata no te mau taa motu : te manureva matamua no Raromatai

Na te hō'ē manureva ATR 72 a te taiete Air Tahiti e ha'amata i te mau tere i roto i te mau taa motu i teie mahana piti 28 nō eperera 2020.

E mau ta'ata teie o tei mau mai i te fenua no Tahiti. Ua fa'anahohia teie mau tere e te mau tavana no teie mau motu, te mau tia no te fenua e tō te hau nui. 65 ta'ata o teie hi'opo'ahia e aore tō ratou e titotiro no te Covid-19 i roto ia ratou. I rotopu ia ratou, te vai nei te feia ma'i o tei fa'aho'ihia mai i te fenua nei e tae noa atu i te feia e noho nei i Raromatai i mau mai i Tahiti nei e o tei ha'aputuputuhia i roto i te tahi mau fare nohora'a tei tārahuhia e te Hau fenua.

E tere atu teie manureva i Huahine, Raiatea e i Porapora. I nia i teie manureva, ua fa'ata'a atoa hia te tahi mau tauiha'a no te rapa'aura'a ma'i, no te fare ma'i e te mau fare utuutura'a ma'i no Raromatai.

Te hepetoma nō te patia ara'i na te ao nei

Te fa'aha'amana'o hia nei ia tātou i te faufa'a rahi i te pāzurura'a ia tātou na roto i teie patia ara'i, noa atu teie tau fa'ahepora'a e fa'aea i te fare.

Te patia ara'i o te rave hō'ē roa no te pāzurura'a i te ta'ata tatai'tahi, ma'i tōna fanaura'ahia mai, i mua i te mau ma'i pe'e.

TE PORO'I NŌ TEIE MAHANA

'UA HA'AMAMAHIA TE PARAU NO TE 'OPANIPANIRA'A I TE FARE

IA VAI ARA NOA TĀTOU 'AITA A TEIE FIFI MA'I I ORE ATURA

A FA'A'OHIPA I TE MAU PORO'I PĀRURURA'A IA TĀTOU

EI HAU I ROTO I TŌ TĀTOU MAU UTUAFARE

MĀURUURU E FA'AITOITO